

Nakristianoan a Ministri ni Tony Alamo

Pagiwarnak para iti Lubong

BARO A JERUSALEM

Dagiti Iglesia iti Entero a Lubong

Pastor Tony Alamo

Ti Nakristianoan a Nasion ni Alamo

Libro 18700



Da Pastor Tony ken Susan Alamo, ti orchestra, ken choir iti internasional a programada iti television naala ti litrato 1974

ITED KADI TI DIOS ITI BABAI TI KALINTEGAN NGA AG-ABORT NO BIKTIMA ISUNA ITI PANANGRAMES?

ni Tony Alamo

Kuna ti DIOS, “Adtoy, nga amin a cararua CUCUAC ida; cas ti cararua ti ama, casta met ti cararua ti anac a lalaki CUCUAC; ti cararua nga agbasol matayto. Ngem no ti maysa a tao nalinteg, ket aramidenna ti mayalubog iti linteg ken umisu, ket saan a nangan iti rabaw dagiti bambantay [nagrukbab kadagiti didiosen], ket dina met intangad dagiti matana cadagiti didiosen iti balay ti Israel, ket saanna met a tinulawan ti asawa ti padana a tao [nakikamalala kenkuana], wenno inasitgan ti maysa a babai nga agcadawyan, Ket saanna a rinanggasan ti siasinoman, no di ket insublina ti insalda ti nacautang, awan ti innalana a tinacaw, intedna ti tinapayna iti mabisin, ket kinawesanna ti lamo-lamo iti pagan-anay; Isu saan a nagpaanac, ket di met immawat iti nalabes, nga inlisina ti imana iti kinadangkkes, inaramidna ti pudno a kinajusticia iti lalaki ken lalaki (tao ken tao), Nagna cadagiti linlintegco, ket sinalimetmetna dagiti bilbilinco, nga agaramid a sipupudno; isu nalinteg, di bumurong nga isu agbiagto, cuna ni APO JEHOVA.

“No isu agputotto iti lalaki a mananacaw, a managibuyat iti dara, ket agaramid iti aniaman cadagito a banag, Ket saanna nga aramidenna ti aniaman cadagidiay a rebbengen, no di ket nangan iti rabaw dagiti bambantay [nagrukbab kadagiti didiosen], ket tinulawanna ti asawa ti padana a tao [nakikamalala kenkuana], pinarigatna ti napanglaw ken addaan pannacasapul, nagala iti tinacaw, dina insubli ti salda [saan a nagbayad iti apagkapullo], ket intangadna dagiti matana cadagiti didiosen, nagaramid iti kinarimon, nagpaanac ken immawat iti nalabes; isu agbiagto aya ngarud [iti agnanayon]? Saanto nga agbiag [iti agnanayon]: inaramidna amin dagito a kinarimon; di bumurong nga isu matayto; ti darana addanto iti rabawna.

“Ngem, adtoy, no agputotto iti lalaki, a macakita cadagiti amin a basbasol ni amana nga inaramidna, ket agbuteng, ket dina aramidenna ti cas cadagidiay; A di nangan iti rabaw dagiti bambantay [nagrukbab kadagiti didiosen], ket dina met intangad dagiti matana cadagiti didiosen iti balay ti Israel, saanna

a tinulawan ti asawa ti padana a tao [nakikamalala kenkuana]; dina met rinanggasan ti siasinoman, saan nga immawat iti salda [saan a tinengngel dagiti apagkapullo ken datonna], ket di met nangala iti tinacaw, no di ket intedna ti tinapayna iti mabisin, ket kinawesanna ti lamo-lamo iti pagan-anay; nga inlisina (inikkatna) ti imana iti napanglaw, saan nga immawat iti paanac wenno tubo, tinungpalna dagiti bilbilinco, nagna cadagiti linlintegco; isu dinto matay gapu iti kinadangkkes ni amana, isu agbiagto [iti agnanayon] a di bumurong. No mapapan ken amana, gapu ta nangparigat a sidadawel, inagawanna ni cabsatna, ket inaramidna ti saan a naimbag iti tengnga ti ilina, adtoy, isu matayto [iti agnanayon] iti kinadangkkesna.

“Ngem cunayo pay, Apay a ti anac saanna nga awiten ti basol ni amana? No ti anac a lalaki maaramidna daya a mayalubog iti linteg ken umisu, ket tinungpalna amin dagiti linlintegco, ket inaramidna ida, isu agbiagto [iti agnanayon] a di bumurong, Ti cararua

(Naituloy iti panid 2)

ITED KADI TI DIOS ITI BABAI TI KALINTEGAN NGA AG-ABORT NO BIKTIMA ISUNA ITI PANANGRAMES?

(Naituloy manipud iti panid 1)

nga agbasol, matayto [iti agnanayon]: ti anac a lalaki dinanto awiten ti kinadangkis ti ama, ket ti ama dinanto met awiten ti kinadangkis ti anac a lalaki; ti kinalinteg ti nalinteg addanto kencuana, ket ti kinadakes ti managdacadakes addanto kencuana.

“Ngem no ti nadangkis paglicudanna dagiti amin a basbasolna nga inaramidna, ket tungpalenna amin dagiti linlintegco, ket aramidenna daydiay a mayannugot iti linteg ken umisu, isu agbiagto [iti agnanayon] a di bumurong, saanto a matay [iti agnanayon]. Awanto cadagiti salungasingna (basolna) nga inaramidna ti maipalagip a maibusor kencuana: babaen ti kinalintegna nga inaramidna isu agbiagto [iti agnanayon]. Adda aya aniaman a ragsacco iti ipapatay [iti agnanayon] ti nadangkis? cuna ni APO JEHOVA; saan aya a nasaysayat nga isu agsubli coma manipud iti dalanna, ket agbiag [iti agnanayon]?” (Ezekiel 18:4-23).

Saan laeng nga imbaga ti DIOS nga amin a kararua ket KUKUANA, ngem iti Numero 16:22, imbaga da Moises ken Aaron nga ISUNA ket “DIOS dagiti espiritu ti ISU-AMIN a lasag.” Imbaga ti DIOS idiaay Jeremias 32:27, “Adtoy, siac ni JEHOVA, a DIOS dagiti AMIN a lasag.” Imbaga ti DIOS ken ni Jeremias iti Jeremias 1:5, “Casacbayan ti panangbukelco kenca iti tian nabigbigancan.”

Kasano a maaddaan ti siasinoman iti awanan panagbain a kababalin a mangdadael iti kararua, iti espiritu, ken iti lasag iti siasinoman a maladaga a tao nga am-ammo ti DIOS sakbay a nabukelda iti tian, sakbay a rimmuarda manipud iti tian, uray no ti kaso ket panangrames?

Ti pudpudno a linteg ket ti linteg ti DIOS.¹ Kitaentayo no ania ti ibagbaga ti linteg ti DIOS: “No ti maysa a lalaki matumpungan a makicaidda iti maysa a babai nga addaan iti asawa iti casta isuda a dua mataydanto nga agpadpada [napisikalan ken naespirituan], ti lalaki a

nakicaidda iti babai, ken ti babai: casta ti panangiccatmonto ti dakes iti Israel. No adda maysa a balasang a virgen a nakitulag nga asawaen ti maysa a lalaki, ket ti maysa a lalaki masaracanna iti ili ket caiddana; Iruaryonto ngarud ida a dua iti ruangan daydiay nga ili, ket dacayo uburenyonto ida, tapno matayda cadagiti batbato: ti balasang gapu ta di nagpuccaw, idinto nga adda iti uneg ti ili; ket ti lalaki gapu ta dinadaelna ti dayaw ti asawa ti padana a tao; casta ti panangiccatmonto ti dakes iti tengngam. Ngem no ti lalaki masaracanna iti away iti balasang a nakitulag a makiasawa, ket ti lalaki pilitenna [ramesenna isuna] ket caiddaenna; no casta ti lalaki laeng a nakicaidda kencuana ti matayto. Ngem iti babai awanto ti aramidem; awan iti babai ti basol a maicari iti natay: ta cas la no ti lalaki tumacder a bumusor iti padana a tao, ket patayenna daytoy, casta a panggep dayta; Ta isu ti nacasarac kencuana iti away; ti nakitulag a balasang a makiasawa nagpuccaw [nagpukkaw para iti tulong gapu ta saanna a kayat ti marames], ket awan la ti nangispal kencuana [manipud pannakarames]. No ti maysa a lalaki masaracanna ti maysa a balasang a virgen, a saan nakitulag a makiasawa, ket tengngelenna ket caiddana [ramesenna isuna], sa ket masucalan ida; No casta ti lalaki a nakicaidda kencuana mangtedto ken ama ni balasang iti limapulo a siclo ti pirac, ket isunto ti asawana, gapu ta tinulawanna; dinanto mabalin nga isina iti isu-amin nga al-aldawna” (Deuteronomio 22:22-29).

Idi damu a nakitak daytoy a linteg napanunotko, “kasano a kayat nga asawaen ti maysa a babai ti siasinoman a lalaki a nangrames kenkuana?” Idi kuan insigida, nagsubli ti panunotko iti aldaw uppat a pulo ket walo a tawenen ti napalabas iti opisina ti attorney idiaay Beverly Hills a damo a nakasabetak iti DIOS. Binilinnak nga ibagak kadagiti tattao iti dayta nga opisina nga agsubli manen ditoy lubong ni JESU-CRISTO. Adda kaniak ti ESPIRITU ti DIOS nga addaan iti

dakkel a pannakabalin, ket rinuggiak ti makirinnason KENKUANA, nga ibagbagak, “APO, ibagak kadakuada no bigat. Tawagak ida iti telepono. Paw-itak ida kadagiti cable, telegrama, ngem saanmo nga ipaaramid kaniak tatta.” Napunno ti opisina kadagiti tattaok ken dadduma a tattao manipud iti industriya ti pabuya. Pinanunotko nga iyapandak iti insane asylum no aramidem ti ibagbagana kaniak nga ibaga ken aramidem.

Isu a rinuggian ti DIOS a guyoden ti espiritu, kararuak, a pauneg ken paruar iti bagik, ken impakaawatna kaniak a no saanko nga ibaga ti ibagbagana nga ibagak, matayak iti dayta a kanito iti dayta a lugar. Awan ti aniaman a maaramidko tapno malappedak ISUNA a mangpatay kaniak. Iti isu met laeng a kanito, mari-kriknak no kasano ti kinabileg ken kinasiribna, ket naawatak nga awan makapasardeng KENKUANA a mangaramid iti aniaman a kayatna nga aramidem. Sakbay a napasamak daytoy kaniak, saanak pulos mamati iti DIOS wenno ken ni JESUS. Mabigbigbigak kas kalaingan nga advertising agent iti aniaman a kita ti negosyo karamanen ti show bisnis. Nanipud iti dayta nga aldaw, insardengko ti kinaadvertising agentko ket rinuggiak a sinapol ti APO. Awan parikutko iti panamati iti aniaman nga imbaga wenno ibagbaga ti DIOS. No ibaga ti DIOS a nasken nga asawaen ti lalaki ti saan pay a naasawaan a babai a rinamesna ken suportaanna isuna iti tungpal-biagna, ken ibagana iti babai a nasken nga asawaenna isuna ken ipalubosna a suportaanna isuna agingga iti aldaw a pannakatayna, isingasingko nga aramidenda ti eksakto nga ibilbilin ti DIOS nga aramidenda.

Manen, idi damo a nakitak daytoy a linteg, iti apagbiit kasla naranggas para kaniak. Itan ta ammok ti DIOS ken ti pannakabalinna, ammok met nga ISUNA ti BOSS. Ammom, dagiti babai ita naglakada a mangrames. Kasla anghel ti itsurada, ngem saanda a kasta.



DAGITI ONLINE NGA ALAMO MINISTRI
www.alamoministries.com

¹ Ex. 20:3-17, Sal. 111:7-8, 119:89, 152, 160, Prov. 3:1-2, Isa. 40:8, Jer. 23:29, Dan. 7:9-10, Mal. 4:4, Mat. 5:17-19, Marc 13:31, Rom. 3:31, San 2:8-13, 1 Ped. 1:23-25, Pal. 20:12-13

Adu ti naam-ammok a kasla anghel ti itsurana ngem naammoak nga ulbod ken diabloda.

No masakogan ti babai gapu ta narmes isuna, saan nga agpa-abortion isuna. Ngem no nagpa-abortion isuna, dayta ti umuna a tukad ti pamapatay, ket maiyapan isuna idia Impierno gapu iti dayta. Ibagi ti Exodo 20:13 iti orihinal nga Hebreo, “Dica mamapatay,” ken siasinoman a mamapatay ket nasken a mapapatay. Inayon ti “pamapatay” ti pamapatay kadagiti saanpay naiyanak a maladaga. “Ti mangsugat iti maysa a tao nga isu ti pacatayanna, di bumurong a mapapatayto” (Exodo 21:12). Anianto ti mapasamak kadagiti amin a mamapatay? “Ngem no maipapan cadagiti natacrut, ken cadagiti di mammati, ken dagiti nasabrac, ken dagiti NACAPAPATAY, ken dagiti mannakicamalala, ken dagiti managanito, ken dagiti agrucbab cadagiti didiosen, ken dagiti isu-amin nga agulubod ti bingayda addanto idia danaw a sumsumged ti apuy ken azufre: daytoy ti ipapatay a maicadua” (Paltiing 21:8). Ken ulbod dagiti tattao a mangibaga a dagiti saan pay a naiyanak a maladaga ket saan a tao ken saan a nabiag. No saan a nabiag dagitoy a maladaga, kasanoda a mapapatay ngarud ida? Ken apay ta papatayenda ngarud ida no saanda a nabiag?

Dagidiay agabort kadagiti maladaga, dagidiay nga agab-abortion, ken dagidiay agbalin a suicide bombers aminda ket

MAMAPATAY. Agbabawikan koma ita gapu ta umay ti panangukom iti nabibiit ngem ti ipagpagarupmo.

Iti Exodo 21:22-25, makitatayo ti dusa ti aksidente a panag-abortion. “Ket no dagiti tattao agriringgorda, ket macabilda ti maysa a babai a masicug, ket iti casta maalisan, ngem awan pagdacsanna; di bumurong a mamultanto (madusa), cas mayalubug iti ipatay ti asawa ti babai; ket bayadannanto a cas ituding dagiti ocom. Ngem no adda pagdacsanna, itdemto ngarud ti BIAG ITI BIAG. Mata iti mata, ngipen iti ngipen, ima iti ima, saca iti saca. Puur iti puur, sugat iti sugat, baot iti baot.” Ti maladaga a dumakdakkal iti tian ti ina ket maysa a biag.

Iti Mateo 22:31b-32, imbagi ni JESUS, “Dicay aya nabasa ti sinao ti DIOS cadacayo, a cuncunana: Siac ti DIOS ni Abraham, ken ti DIOS ni Isaac, ken ti DIOS ni Jacob? Ti DIOS saan a DIOS dagiti natay, no di dagiti SIBIBIAG.” Manen, ti maladaga a dumakdakkal iti tian ti ina ket SIBIBIAG ken dumakdakkal, ket ti DIOS ket isu ti DIOS ti tao a maladaga.²

Nalatak ti pannakaam-ammo kadagiti agrukrubab kadagiti didiosen gapu iti panangpapatayda kadagiti bukodda nga annak, agingga kadagitoy nga aldaw. Ibagi ti Jeremias 32:35, “Ket binangonda dagiti nangato a diso ken Baal, nga adda iti lobong ti anac a lalaki ni Hinnom, tapno ipalabasda dagiti annacda a lallaki

ken babai iti apoy [pamapatay/panag-abortion] ken Moloc, isu a saanco nga imbilin cadacuada, ket diac met pinanunot, nga aramidenda coma daytoy a kinarimon, tapno pagbasolenda ti Juda.”

Dua a balangkantis ti immay iti imatang ni Ari Solomon, ti kasiriban a tao ditoy lubong,³ nga addaan riri: “Idi idia napan ti dua a babai a balangkantis iti ari, ket nagtacderda iti sangona. Ket ti maysa a babai kinunana, O, apoc, siac ken daytoy a babai agnaedcami iti maysa a balay; ket isu caduac idi iti balay idi a nangipasngayac iti maysa nga anac. Ket napasamac iti maicatlo nga aldaw iti calpasan ti panagpasngayco, daytoy a babai nagpasngay met; ket dacami agcaduacami; awan ti sabali iti balay, malacsid cadacami a dua iti balay.

“Ket ti anac daytoy a babai natay iti rabii, ta isu ti naaddaganna. Ket isu bimangon iti tengnga ti rabii, ket innalana ti anacco a lalaki iti dennac, iti bayat a matmaturog ti adipenmo, ket isu ti impaiddana iti saclotha ket impaiddana ti anacna a natay iti saclothco. Ket idi bimangonac iti agsapa tapno pasusoec ti anacco, adtoy, natayen; ngem idi namingmingacon iti bigat, adtoy, saan nga isu idi ti anacco nga impasngayco. Ket ti maysa a babai kinunana, Saan; no di ket ti anacco ti nabiag, ket ti natay isu ti anacmo. Ket daytoy kinunana, Saan; no di ket ti natay isu ti anacmo, ket ti nabiag isu ti anacco, castoy ti panagsaoda iti sango ti ari. Idin kinuna ti ari, Ti maysa cunana, Daytoy nabiag isu ti anacco, ket ti anacmo isu ti natay: ket ti sabali cunana, Saan; no di ket ti anacmo isu ti natay, ket ti anacco isu ti nabiag. Ket kinuna ti ari, Yalaandac iti maysa a campilan: ket nangipanda iti maysa a campilan iti sango ti ari. Ket kinuna ti ari, Gudduaem ti ubing a nabiag, ket itedmo ti gudua iti maysa, ket ti gudua iti sabali.

“Idin nagsao ti babai nga akin-anac idi ubing a nabiag iti ari, ta ti pusona naibuyog iti anacna, ket isu kinunana, O apoc, itedmo kencuana ti nabiag nga ubing, iti uray casano dica patayen. Ngem ti sabali kinunana, Saanto nga agpaay caniac wenno kenca; isu gudduaem. Idin

(Naituloy iti panid 4)

2 Uk. 13:5, Job 31:15, Isa. 49:5, Jer. 1:5, Luc 1:15, 39-41

Chile

(Naipatarus manipud Spanish)

Patgek a Reverend Tony,

Kablaaw iti ayat ni Apo Jesus. Namnamaek ken ammotayo a dagiti buybuyot dagiti anghel ket salsalakniban ken ay-aywanandaka, ken saanmo a liplipatan a saanka nga agmaymaysa. Adda ti Dios kenka, dagiti anghelna ken dagiti annak ti Dios a mangsupsuporta kenka iti amin a banag.

Kabsat, kasapulak ti dakdakkal a kahon ti nadumaduma a babasaen, pagiwarnak ken dua a dakkal a Biblia ken lima a gagangay a Biblia. Amin dagiti materialesmo ket maiwarwaras nga addaan pammulot ti Dios ket dakdelda a bendision kadagidiay nga umawat kadakuada. Saan a masayang ti aramidmo. Gunggunaannaka ti Dios, sigurado dayta.

Jose Barria

Región de los Lagos, Chile

3 1 Ar. 4:29-34, 2 cron. 1:7-12

ITED KADI TI DIOS ITI BABAI TI KALINTEGAN NGA AG-ABORT NO BIKTIMA ISUNA ITI PANANGRAMES?

(Naituloy manipud iti panid 3)

ti ari simmungbat ket kinunana, Itedyo kencuana ti nabiag nga ubing, ket uray casano dica papatayen: isu ti inana. Ket ti amin nga Israel nangnegna ti maipapan iti panangocom nga inkeddeng ti ari; ket isuda nagbutnganda ti ari: ta isuda nakitada ti sirib ti DIOS nga adda kencuana, nga agaramid iti kinajusticia” (1 Ar-ari 3:16-28).

Nasayaat a banag para kadagiti babai iti agdama a mangayat a mangpapatay kadagiti babassit a maladaga ti mangrugi a maaddaan iti isu met laeng a manangaasi a puso ti balangkantis a

nadakamat iti ngato, diay nangibaga a dida papatayen ti maladaga! Isuna ti ina!

Nasaludsod ti artista a ni Tony Curtis no ania ti rikna ti mangungngo ken ni Marilyn Monroe. Kas kapintasna iti panangipagarup iti kaadduan a lallaki, imbagi ni Tony Curtis, “Kasla ung-ungoem ni Hitler!” Nadamagko a ni Marilyn Monroe ket naaddaan iti sumagmamano a panag-abort, a namapatay iti sumagmamano a maladaga. Mabalin a daytoy ti rason no apay a ni Curtis, maysa a Judio, iti pannakalagipna kadagiti death camps iti World War II, a nangpatayan ni Hitler iti innem a million nga inosente a Judio,

napanunotna a kasla panangungngo ken ni Hitler idi inungngoanna ni Marilyn Monroe iti pelikula. Daytoy ti panagriknak kadagiti babai iti agdama a mamati iti aborsion, pamapatay! Kasano a kayat nga ungungoan ti siasinoman a lalaki ti maysa kadakuada?

Ibaga ti Salmo 82:3-4, “Ocomenyo dagiti napanglaw ken ul-ulila: aramid-enyo ti kinalinteg cadagiti naladingit ken nacurapay [dagiti “nakurapay” wenno agkasapulan kas saan pay a naipasngay a tattao a mauk-ukom kas nababbaba ngem tao]. Subbotenyo dagiti napanglaw ken macasapul: ispalenyo ida iti ima dagiti managdacdakes.” Aramidem daytoy ket agbiagka (iti agnanayon).
(Naituloy iti panid 8)

California

Pastor Tony,

Kayatko nga ibingay kenka ti maipapan iti amak. Inawagannak iti telepono ti amak tatta nga aldaw ket indalanko isuna iti kararag ti managbasol. Agsangsangit ti amak gapu iti ragsak ket kunana a sapasap nga agtigtigerger isuna ken mariknana ti Espiritu Santo. Nagragsak isuna.

Itedko iti Dios ti dakkel unay a panagdayaw ken panagyaman gapu iti kinamatalekna ken dagiti karina, a no matalektayo nga agserbi Kenkuana, isalakannanto ti balaytayo. Madaydayaw ti Apo.

Idi simmaliak iti ministri, awan kontakko iti amak. Awan koneksionna iti biagko ken diak ammo ti ayanna ken no kasano a kontakken isuna tapno masaksiak isuna. Dinawatko iti Apo, “Kasanoak a makapagsaksi iti amak no awan ti aniaman a banag nga ammok maipapan kenkuana wenno no kasano isuna a kontakken?” Dinawatko iti Apo nga agaramid iti dalan para kaniak.

Nagtignay ti Dios para kaniak. Inted ti apongko a lakay ti address ti amak ket nagsuratak kenkuana idi 2012. Agarup maysa a tawen ti lim-mabas ngem awan naawatko a sungbat. Naammoak a saan a kayat ti amak ti mainaig kaniak. Pinanawanna ti inak idi siam ti tawenko ken nagkamalala isuna iti inak. Napatanur ti nagannakko ken siak iti palso a doktrina, pinatimi a naisalakankami. Pinatimi nga “awan ti siasinoman a perfekto” ken “no naisalakanen, kankanayonen a naisalakan.”

Agarup lima a bulan ti napalabas, tinawagannak ti amak idia iglesia ket imbagana nga adda kenkuana ti surat nga insuratko kenkuana ket adda iti sangoananna. Imbagak iti amak no kasanonak nga insalakan ti Apo ken agserserbiak iti Apo idia Tony Alamo Christian Ministries. Iti napalabas a lima a bulan, nagsaksaksiak iti amak, ken impaw-itko kaniana ti Gospel literature.

Itatta nga aldaw tinawagannak ket nakasaganan para iti pannakaisalakan. Madaydayaw ti Apo! Naragsak isuna nga addaak ditoy ken sumupsuporta iti ministri. Agyamanak iti Apo iti panangisalakanna iti amak ken iti panangisublina kenkuana iti biagko gapu ta nasuroken a dua-pulo a tawen nga awan isuna. Agyamanak Jesus iti daytoy a mirakulo. Ammo ti amak a naisalakanen isuna ita ken nasken a salimetmetanna dagiti bilin ti Dios.

Praise the Lord!

Suzette Brown

Canyon Country, California

Zambia

Patgek a Pastor Tony Alamo,

Kablaawankayo amin iti nakaskasdaaw a nagan ti Apotayo a ni Jesu-Cristo. Bendisionannakayo koma amin iti nawadwad iti ministriyo.

Naawatkon ti package nga impaw-ityo. Agyamanak kadakayo. Ti pagiwarnakmo a para iti sangalubongan ket mangiturturong ditoy iti adu a tattao ken ni Jesus. Inaramiddak pay nga agad-adal iti teologia. Pangaasiyo, kayatko ti agbalin a tagaiwaras tapno makaalatayo iti ad-adu pay a kararua para ken ni Jesus.

Pangaasiyo ta paw-itandak iti Biblia ken kadagiti dadduma pay a pagiwarnak para iti panagtultuloy ti panagabante ti trabaho ti Apo.

Agladingitak iti dakes a damag a nabasak iti suratmo, a nakaro ti pannakaidadanesmo babaen iti gobierno dita. Kankanayon nga agkarkarag ken agay-ayunarak para kenka tapno ni Jesu-Cristo a natay para iti iglesia ket kankanayon nga adda kenka. Idi nabasak ti maipapan iti pannakaidadanesmo, nagarubos ti lua iti rupak. Kabsat, paregtaenka nga igaedmo pay ti agtrabaho inton maidaddadaneska. Daytoy ti mangipakita kadatayo nga agbibigatayo iti lubong a pagnanaedan ti diablo, ngem saan a taga-ditoy a lubong dagiti Kristiano. Nasken nga aramidentayo ti pagayatan ti Dios, saan a ti kayat ti tao. Itultuloymi ditoy Zambia ti mangikarkarag kenka. Kankanayon nga addanto ti Apo kadagiti annakna agingga iti kamauddianan inton makitatayo Isuna iti ulep nga umay mangala kadatayo. Amen.

Napudno kenka,

Rick Makala

Chipata, Zambia

Florida

Patgek a Tony Alamo Ministries:

Kasubsublimi laeng manipud iti panangbisita iti anakmi a lalaki a nakikadua iti ministri dua a tawenen ti napalabas. Kayatko ti mangipaw-it iti mensahe kadagiti saan a namati. Saankami mamati iti Tony Alamo Ministries agingga iti panagsali ti anakmi a lalaki, ken uray idi, saankami a sigurado. Mabasbasami iti internet iti adu a banag maipapan iti child abuse, termino ti pannakaibalud, child slavery. Kas maawatak, dagiti akusasion ket naaramid idiy Arkansas. Awan ti nakitami nga aniaman a pagilasinan kadagitoy a bambanag idiy California.

Datikami a Katoliko a mamati iti Dios ngem saan a mamati kadagiti amin a sururo ti pammati a Katoliko.

Adu ti saanmi a maipalawag a parikot ti anakmi a ni David. Naduktalan isuna nga addaan iti clinical depression idi adda isuna

Mexico

(Naipatarus manipud Spanish)

Namnamaek a nasayaatka, napalikmutan kadagiti tattao iti pammati. Kayatko a pagyamananka kadagiti amin a surat nga isaksakrifisio nga ipawpaw-it kaniak, kadagiti amin a babasaen nga impaw-itmo, ken mangipapautob kaniak ken mangipatpatuloy iti natibker a pammatik a panagtarigagay tapno masukatan ti dalanko ken tapno pagyamanak ti Dios Amak iti amin a bendisyon. Namnamaek nga itultuloymo ti mangpabpabileg kadagiti amin a namati tapno baliwanda ken agtultuloyda iti dalan ti kinapudno. Sinanamaak, iti nagan ti Apok nga Jesus, ipalubos ti Dios nga agtultuloyka iti daya kadakkel a trabaho ken agtultuloy nga agdur-as ti iglesiam kas lighthouse iti baet ti bagyo.

Amin a kasayaatan manipud kaniak ipaayko kenka. Alwadannaka koma ti Dios ken salaknibannaka ken agtultuloy a mangiturong kenka. Saanka nga agsardeng a mangikarkarag kadakami a balud kadagiti kararagmo, ken no mapaw-itandakami iti Biblia tapno saankami nga awanan. Awanen ti adadu pay para ita.

Pagtalinaedennaka koma ti Dios iti atiddog a kanito a nasayaat.
Jose Martin Cortes Murillo
Durango, Mexico

iti tawen ti kinaagtutubo. Pinadasmi ti adu a banag tapno mapakalmami daytoy—medesina, pammagbaga, dieta, ken ehersisyo. Awan ti nakatulog. Kas dimmur-as dagiti tawen, kimmarkaro ti depressionna, ken ngimmato unay ti timbangna wenno dimmagsen unay isuna. Saankami a kanayon a mapapanan iti simbaan ken uray no awisek ni David a sumurot kadakami iti simbaan, saan nga interesado isuna.

Ibagana kenka iti agdama a maysa isuna nga atheismo iti daya a kanito. Nainaig isuna iti internet ket ti maysa a banag nagbunga iti sabali. Naikkat isuna iti pagtaengan ket nakasarak iti liwliwa iti ayan ti apongna a baket idiy Michigan. Idi natay ti apongna, nasarakan ni David ti dalanna iti Tony Alamo Christian Ministry, pagyaman ni Gail Brubach nga instrumento iti pannakaipayon ni David iti simbaan.

Inaldaw nga inkarkaragmi ni David tapno masarakanna ti kinaragsak. Bassit ti pannakaammomi a daytoy ket iti Dios, ti isu met laeng a Dios a dati saan nga ammo ni David. Ti kanito a bimmaddekkami iti iglesia ti Tony Alamo Christian Ministries ken nakitami ti anakmi, makitami a nanipud iti idadatengna, adda ti dakkel unay a panagbaliw para iti pagsayaatan. Nakissayan ti timbangna, pimmanawen ti depressionna (nadlaw a dagus babaen iti isem iti rupana ken iti ranniag a barbaro a nasarakanna), ken naan-anay a nagbaliw ti kababalinna iti biag. Agtartrabaho isuna para iti Dios.

Iti daytoy a kanito, saanak pay laeng a namati iti daytoy a Nakristianoan a ministri (nupay mamatiak iti Dios), ngem makitak ti pannakabalin ti Dios nga adda iti daytoy nga ubing (31 itan, saanen nga ubing) a dati a saan a managsimba a tao iti aniaman a wagas, awanan panamati iti Biblia, ken bumusor iti iglesia iti amin a banag. Kas nakigimongkami kadagiti serbisio, nangrugimi a naawatan ti pannakabalin

Pennsylvania

Timmawag ti pastor manipud Pennsylvania tapno ibagana a damo a naammoanna ti iglesia idi 1973, ken us-usarenna ti babasaen ni Pastor Alamo tapno yegna dagiti mensahe iti kongregasionna. Imbagana a dagiti babasaen ni Pastor Alamo ket nauuneg unay ta makaala isuna iti agarup 30 a mensahe manipud iti maysa a piraso ti babasaen. Nagkiddaw isuna iti 25 a kopya kadagiti kakabaroan a pagiwarnak tapno maaddaan iti adadu pay a mensahe nga ipaay iti kongregasionna.

nga ipapaay ti Biblia iti tunggal tao. Aktual a binasami ti Biblia ken nagkanta kadagiti kankanta a nanglukat kadagiti pusomi. Isu ti kasayaatan nga uppat nga aldaw iti nabuluntarioan nga iglesia a napananmi.

Iti umuna a rabii, makapaitag-ay dagiti kankanta, ken makagaraw unay dagiti gimong ta, agyamanak manen ken ni Gail Brubach, naisalakanak. Agay-ayos dagiti lua iti rupak. Saanak pulos a nakapadas ti makagaraw unay a gimong ti simbaan. Dagiti sumaganad a rabii a nabaalanmi nga inatendaran ket kasta met laeng a makatignay, ket maladingitankami idi pumanawkamin. Naam-ammomi ti sumagmamano a saan a gagangay a miembro ti iglesia.

Iluklukat ti Tony Alamo Christian Ministries ti ruanganda iti tunggal rabii kadagiti adu nga awan pagtaengganna. Idiy Los Angeles, awan bayadna, mailugluganda a mapan iti simbaan a pakaaangayan ti napintas a gimong nga addaan makaitag-ay a musika. Kalpasan dagiti gimong maidasdasar ti naan-anay a makan nga awan bayadna kadagidiay nga agkasapulan. Awan pulos nakitak nga pannakaabusos, ayat laeng para iti pada a lalaki/babai. Rumanranniag a bituen daytoy nga iglesia. Inkabil ida ti Dios ditoy para iti maysa a panggep. Kapada ti bersikulo ti Biblia iti Mateo 20:27-34:

“Ket ti siasinoman nga agayatto nga isu ti umuna cadacayo, isunto ti adipenyo: A kas met ti Anac ti tao saan nga immay tapno pagservian, no di ket tapno agservi ken itedna ti biagna, a maysa a subbot kadagiti adu. Ket idi rimmuarda idiy Jerico umariwecwec a tattao simmurotda kencuana.

Ket adtoy dagiti dua a bulsec, a situ tugawda iti igid ti dalan, idi nangngegda a ni Jesus lumablabas, nagickisda a cuncunada: Caasiannacami, Apo, Anac ni David. Ket dagidi adu a tattao inungtanda ida tapno agulimecda. Ngem adadda ti panangyickisda: Caasiannacami, Apo, Anac ni David. Ket simmardeng ni Jesus, ket inayabanna ida, ket kinunana: Ania ti cayatyo nga aramidec cadacayo? Cunada kencuana: Apo, maluctan coma dagiti matami. Ket ni Jesus, simnec ti asina, inaprusanna dagiti matada ket naigiddato nga nacakitada; ket simmurotda kencuana.”

Ti laeng mensahek ket—no sagidennaka ti Dios, malukatan ti matam, kas kadakami idiy simbaan. Maysa a namahikaan a kapadasan. Namnamaek a masarakan dagiti dadduma daytoy nga iglesia. Inton maluk-atan dagiti matam a kas kadakami, makitamto met.
Sipupudno,
Sherry and David M. Palmisano
North Port, Florida

Testimonio ni Sally Demoulin

Kayatko ti mangrugi babaen iti umuna ken kangrunaanna panagya-man ken panagdayaw ken ni Apo Jesu-Cristo iti panangibuyatna iti napateg a darana ken iti ipapatayna idia krus para kadagiti basolko ken kadagiti basol ti lubong; ti kangrunaan a sagut para kadayo tapno maaddaantayo iti pudno a biag ken agnanayon idia Pagarian ti Langit.



Ni Kabsat a Sally Demoulin

Nasarakannak ti Apo 28 ket kagudwa a tawenen ti napalabas. Saanko a sapapulen ti Dios, ken saanko met ammo a napukawak. Naiyanakak idia Brooklyn, New York, napanatur kas Katoliko. Malagipko idi agarup 15 wenno 16 ti tawenko kas addaak iti ferry boat idia Hudson River, kas agwanwanawanak laeng kadagiti makita. Idi kuan limmabas kami iti bakras nga addaan “Mangisalakan ni Jesus” a naisurat iti dadakkel a letra. Ti immuna a napanunotko ket “Mangisalakan? Mangisalakan manipud iti ania?” Kas napanatur a Katoliko, saanko pulos nangngeg ti maipapan iti pannakaisalakan, karkaron iti mangisalakan a ni Jesus.

Naestrikto unay dagiti nagannakko kaniak, isu nga iti tawen nga 18 inkeddengko a nataenganakon tapno aramidek ti kayatko nga aramidek uray awanda a mangibaga no ania ti aramidek wenno saanko nga aramidek. Pinanawak ti pagtaengan dagiti nagannakko tapno “mawaya-wayaanak,” wenno aniamanpay isu a pinanunotko. Sumagmamano a bulan kalpasan, Nasarakak ti bukodko a nakiasawan; kalpasan ti maysa a tawen, addaanen iti anak. Iti kanito nga impagarupko a nasayaat ti biag ken impagarupko a naragsakak, nagbalin a naalsem dagiti bamanag; ken sumagmamano a tawen ti napalabas naideborsioakon, agmaymaysa nga ina. Isu nga adtoyak “nawaya” manen ken salimetmetak iti daya a wagas gapu ta saanko a kayat ti agsanggir wenno agdependar iti siasinoman. Addaak iti panunot a maaramidak dagiti bamanag a nasaysayaat iti bukodko a kabaen.

Addaanak iti nasayaat ti sweldona a trabaho, nasayaat a balay ken awan aniaman a pagkurangak. Siniguradok nga adda amin a kasapulan ken kayat ti anakko ken siak. Nagtuloyak laeng iti panagbiagko ken binusbosko ti biag kas pagayatak. Iti saan a nabayag nasarakak ti bukodko iti sabali a relasion. Kalpasan ti sumagmamano a tawen, naduktalak a naigamer iti heroin daytoy a tao ken agtaktakaw ken agul-ulbod tapno maalana ti kasapulanna a kwarta para iti bisyona a droga. Inlemmengko amin dagiti riknak ken parikot iti uneg. Kadagiti tattao a makaam-ammo kaniak, kasla nasayaat amin ken naragsakak. Ngem miserableak launay, saan a naragsak ken kayatko iti panagbaliw ngem diak ammo ti aramidek. Immalas launay dagiti bamanag a kayatko payen ti agpakamatay. Pinanunotko ti agtumar iti maysa botilya a pills ket matayen. Ngem mabutengak no ania ti mapasamak kalpasan ti ipapatay ken no ania ti mapasamak kadagiti annakko kalpasan nga awanakon. Nagtugawak ken nagsangit ket dinawatko iti Dios a baliwanna ti biagko.

Kalpasan iti kanito, impagarupko a mabalin a ti kasapulak laeng ket iti mangbaliw iti panagpanpanunotko, isu a rinuggiak ti nagbasa iti naduma-duma a self-help books nga adda iti market: “Positibo a Panagpamanunot,” “Dianetics,” “Pammati ti Sungbat,” naganamon, binasak ida. Ngem kas umad-adu ti libro a basbasak, karkaro a mariribukan wenno maguloanak. Idi awan ti panagbaliw, inkeddengko a kasapulak ti agsubli iti simbaan. Isu nga iti pangngaldaw, kanayon a mapanak iti Cathedral ti St. Patrick idia New York City, nga asideg iti pagtartrabahoak, ket sumrekak, agsindi kadagiti kandila ken agparintumeng tapno agkararag. Ngem rimuarak a nakarkaro ti panagriknak ngem idi damo a simrekak. Iti maysa nga aldaw malagipko ti papanko iti daya a bilding ti “iglesia” idi a maguloanak launay. Kas nagtugawak ken kumitkita iti aglawlaw daya nakadadakkel a patakder nadlawko nga iti tuktok da-

giti poste adda dagiti nagaalas ti itsurana a gargoyles, banag a malagipko iti pabuya nga The Omen. Naan-anay ti pannakakigtotko ket napanunotko “ania ti aramidek dagitoy nagdadakes ti itsurana iti daytoy lugar koma a nasantoan?” Rimmuarak ket bimallasiwak iti dalan tapno makitak a nasaysayaat iti ruar ti patakder iti ad-adayo a distansia ket nadlawko nga dagiti isu met laeng a naaalas a parsua ket adda kadagiti sulit ti patakder. Iti saan nga adu a sarita, saanakon a bimad-baddek iti uneg daya a patakder wenno aniaman a dadduma a Katoliko a patakder kalpasan daya.

Idi kuan maysa a Sabado idi Pebrero iti 1985, napanak nagshopping kadwak dagiti annakko. Saan a gagangay ti pudot daytoy nga aldaw. Nalam-ek koma launay, ngem ti temperatura ket agarup 75 degrees, ket nabutnganak iti daytoy. Nariknak nga adda ti dakkal a saan nga umno a ti lubong ket aggibusen. Diak ammo daya idi, ngem ammokon nga daya ket ti Espiritu ti Apo a mangipakpakammo kaniak ti maipapan iti daya. Nakigtotak idi.

Kalpasan ti dua a lawas, sinaksiandak iti sumagmamano a kakabsat a lallaki manipud iti Tony ken Susan Alamo Christian Foundation, nga adda iti outpost ti Brooklyn nga agsapsapol kadagiti kararua. Nabagaanak no apay nga imbayat ni Jesus ti darana idia krus; nga adda ti Langit ken Impierno; a no matayak nga addaan basol iti kararuak mapanak para iti agnanayon idia Impierno, ket awan panagtakas ditoy. Iti kinapalangguadko naan-anay a linipatak ti panagbuteng a nariknak dua a lawas saksakbay. Saanko a napanunot a kasapulak ni Jesus wenno ti Dios. Ngem agyamanak iti Dios ta saanak a sinardengan. Sumagmamano a lawas kalpasan nasarakak ti bukodko iti telepono a makisarsarita iti aggapu iti iglesia a mangibagbaga iti kararag dagiti managbasol iti panagbabawi ken panangawat ken ni Apo Jesu-Cristo ditoy pusok. Kalpasan a naikararagko daya a kararag, nariknak a naglagan kas iti dutdot. Naugasan dagiti basolko iti napateg a dara ni Jesus. Naan-anayak, panagriknak ket barbaroak. Addaanak iti rag-o a saanko maiyebkas babaen kadagiti sao. Nariknak a nabbiagak launay iti umuna a daras ti entero a panagbiagko, ken addaanak iti kappia.

Rinuggiak ti mapmapan iti storefront church tayo idia Brooklyn. Addaankami kadagiti gimong, pannangan kalpasanna,

ken addaankami kadagiti Bible reading groups. Napanak iti rinabii; Kayatko a maammoan pay iti ad-adu maipapan iti daytoy nakaskasdaaw a baro a biag a naadda kaniak ken Cristo. Pinabilegdak dagiti kakabsat a lallaki a sumrek iti ministri tapno mapalikmutanak kadagiti dadduma a Kristiano a kakabsat a babai ken kadagiti familia, ken dumakkelak a natibker iti Apo. Imbagada kaniak ti maipapan kadagiti napipintas a fasilidad idia Arkansan a pangfamilia; imbagada kaniak ti maipapan kadagiti gimongda dua a daras iti inaldaw, ti Nakristianoan a pagadalan nga addaan iti Nakristianoan a curriculum, ti Olympic sized a pool ken pagay-ayaman para kadagiti ubbing. Ket amin dagita ket kasla nagsasayaat, ngem saanko kayat ti umadayo iti nakayruamak. Kayatko ti agtalinaed idia Brooklyn ken mapan laeng iti simbaan. Ngem adda sabali a plano ti Dios para kaniak. Ti dalanna ti nasken a masurot.

Kabayatan ti Memorial Day weekend iti isu met laeng a tawen, addakami idia Coney Island agiwarwaras kadagiti Gospel literature ken agsaksaksi kadagiti kararua. Kasapulak ti agsapul iti kasilyas ket ti laeng ayanna ket iti boardwalk idia bangir ti clam bar. Nagnaak iti clam bar

a mapan iti lugar ti kasilyas, ket gapu ta adda problema iti kasilyas, kinasapulak ti aguray iti linya. Kabayatan ti panagurayko, kimmitaak iti clam bar kadagiti tattao nga agiinom, agsasala ken agragsak, pampanunotenda a narag-oda. Idi biglaan, inikkannak ti Apo iti open vision; nagsipnget ti amin, ket adda gilayab ken apoy, ket dagiti tattao nga agsasala ket kasla nasisipnget nga aniniwan nga agdidinnungpar iti tunggal maysa. Kasla kumitkitaak iti Impierno manipud iti ruar, ngem mariknak ti bara manipud kadagiti gil-ayab. Nagpaot daytoy iti sumagmamano laeng a gundaway, ngem kasla ti riknana ket agnanayon. Idi napasen, awan ti sao a makailadawan iti buteng a nariknak, ket inted ti Apo ti pannakaawat a nasken nga umadayoak sadiay ket mapanak iti ministri. Saanak a makaruar idia Brooklyn iti nadaras. Inurnosko dagiti bambanag ket napanak iti ministri kalpasan ti ababa a kanito kalpasan nga intedko ti pakaammo iti

employerko. Addaak iti Alamo Christian Ministries sipud idin.

Idi immalisak iti Alamo Christian Ministries, naammoak nga addaantayo iti simbaan idia Los Angeles, CA, a damo a nangrugian ti ministri a nakaisalakanan ti ginagsut a ribu a kararua para iti Apo. Naragsak met a maammoan maipapan kadagiti iglesia iti entero a lubong kas bunga dagiti tattao a nangited iti biagda iti Apo kalpasan a nabsada ti mensahe ti Dios nga intedna ken ni Pastor Alamo nga impasana met iti lubong.

Daytoy ket rugi laeng ti pakasaritaak. Adda nagado nga inaramid ti Dios iti daytoy 28 ket kagudwa a tawen. Ti kassayaatan a tawtawen ti panagbiagko. Saanko nga isukat ida iti aniamanpay nga ipaay ti lubong, gapu ta amin a banag nga idiaya ti lubong ket agturong iti patay ken Impierno, ngem amin a banag nga ipaay ti Dios agturongda iti biag, biag nga aglaplapusanan, santo agnanayon idia Langit. Madaydayaw ti Apo!!!! Sally Demoulin

Nigeria

Tony Alamo, World Pastor,

Nabasak amin dagiti impaw-itmo a Gospel literature, libro, CD ket nasarak nga agpadpada ti sirmatak kenka ket inkeddengko a makitipon kenka, nasayaat man ti situasion wenno saan.

Naiyasawaak ken ni Evangelist (Mrs.) Betty Igba nanipud 1988. Nabendisionankami iti dua nga anak—da Naomi ken Joshua. Addakami iti panagiministro iti Sao ti Dios para kadagiti napukaw agarup 13 a tawenen ti napalabas. Pagyamanak launay no maibilangnak ken maapoyntaram kas maysa kadagiti pastormo ditoy Afrika iti ministrim a Tony Alamo Christian Church. Nangrugia nga agur-urnong ken mangsansanay kadagiti prayer warrior para iti daytoy a sirmata. Mangnamnamaak iti maysa a million a miembro para iti Tony Alamo Christian Church, Owerri, Nigeria.

Punpunoannaka koma ti Dios aminkayo dita kas pagtalinaedenyo ti lawag ti Apo nga agranranniag. Saanka



Ni Rev. Eleazer Igba (ti addaan mikropono) yap-apanna ti Ebanghelyo kadagiti eskwelaan idia Owerri, Imo State, Nigeria, babaen iti napnoan iti Espiritu Santo a gospel literature ni Pastor Alamo

nga agladingit gapu ta ti panagsangit ket mabalin nga agpaot iti rabii, ngem umay ti rag-o iti bigat. Dagiti milagrom ket addadan iti dalan.

Siak ken ti asawak, ni Betty, ket nagebebanghelismo iti uneg ken ruar ti siudadmi babaen iti Tony Alamo Christian Literature, ket um-umay dagiti kararua ken ni Cristo nga addaan iti nadosan a kinadaras. Uray dagiti Romano Katoliko

ken dagiti miembro ti kulto nga agdaydayaw kadagiti demonio ket agbabbabawida kalpasan ti panangbasada iti babasaem.

Ti Mannakabalin-amin a Dios a nangitag-ay kenka saannaka koma nga ibaba a pulos, Amen. Kuna ni Mother Easter Igba a nakaskasdaawka. Napudno kenka, Rev. Eleazer Igba Owerri, Imo State, Nigeria

ITED KADI TI DIOS ITI BABAI TI KALINTEGAN NGA AG-ABORT NO BIKTIMA ISUNA ITI PANANGRAMES?

(Naituloy manipud iti panid 4)

Pagbabawiam amin dagiti basolmo. Ibagam daytoy a kararag:

APOK ken DIOSKO, maasi Ka kadi iti kararuak a managbasol.⁴ Mamatiak a ni JESU-CRISTO ket isu ti ANAK ti sibibiag a DIOS.⁵ Mamatiak a natay ISUNA idiyay crus ken imbuyatna iti napateg a DARANA para iti panakapakawan iti amin a napalabas a basolko.⁶ Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,⁷ ken agtugtugaw ISUNA iti makannawan nga ima ti DIOS ket iti agdama a dengdenggenna iti panangikonfesarko iti basolko ken iti daytoy a kararag.⁸ Ilukat ko ti ruangan daytoy pusok, ket AWISENKA ditoy pusok, APO JESUS.⁹ Ugasam amin dagiti narugit a basolko babaen iti napateg a dara nga IMBUYATMO iti lugarko iti krus idiyay Kalbario.¹⁰ SAANNAKTO a paglikudan, APO JESUS; PAKAWA-NEMTO dagiti basolko ken isalakanmo iti kararuak. Ammok gapu ta ti SAOM, ti Biblia, isu ti ibagana.¹¹ Ibagi ti

SAOM a SAANMONTA a paglikudan iti siasinoman, ket mairamanak dita.¹² Ngarud, ammok a NANGNGEGNAK, ken ammok a SINUNGBATANNAK, ken ammok a naisalakanakon.¹³ Agyamanak KENKA, APO JESUS, iti panangisalakanmo ditoy kararuak, ket ipakitak iti panagyamanko babaen iti panagtulnogko kas AGMANDARKA ken babaen iti saankon a panagbasol.¹⁴

Kalpasan ti pannakaisalakan, ni Jesus imbagana nga agpabautisarka iti naan-anay a pannakaipabatok iti danum, iti nagan ti AMA, ken ti ANAK, ken ti ESPIRITU SANTO.¹⁵ Adalem ti Santa Biblia [ti Ingles a King James Version] ken aramidem no ania ti ibagana.¹⁶

Ti APO kayatna nga ibagam iti dadduma ti pannakaisalakanmo. Mabalinmo ti agbalin a tagawaras kadagiti babasaen a maipapan iti Ebanghelyo nga insurat ni Pastor Tony Alamo. Ipaw-itmi ti babasaen kenka nga awan bayadna. Agtawag wenno ag-email ka kanyami para iti ad-adupay nga impormasyon. Ibingaymo daytoy a mensahe iti dadduma.

No kayatmo ti lubong a maisalakan, kas inmandar ni JESUS, saanmo ngarud a taktakawan ti DIOS kadagiti KUKUANA nga apagkapullo ken datdaton. Kuna ti DIOS, “Takawan kadi ti tao iti DIOS? Ngem TAKTAKAWANDAK. Ngem ibagayo, sadinno ti nangtakawanmi KENKA? Kadagiti apagkapullo ken datdaton. Nailunod kayo iti lunod: gapu ta TINAKAWANDAK, uray pay daytoy buo a nasion [ken daytoy buo a lubong]. Yegyo amin dagiti apagkapullo [ti apagkapullo ket iti 10% iti amin a pastrekmo] iti kamalig, tapno addanto ti karne [Naespirituan a makan] iti BALAYKO [naisalakan a karkararua], ken PADASENDAK iti daytoy, kuna ti APO dagiti BUYBUYOT, no saankonto nga ilukat kenka dagiti tawtaw ti Langit, ken ibuyatko kenka ti bendision, nga awanto ti kwarto a makalaon a mangawat iti daytoy. Ken ungtakto ti mangdadael para kadakayo, ket saananto a dadaelen dagiti bunga ti dagayo; uray pay dagiti ubasyo saanda nga ited ti bungada sakbay iti panawenna, kuna ti APO dagiti BUYBUYOT. Ken amin dagiti nasion ket awagandakanto a nabendisionan: ta sikanto ket makaay-ayo a daga, kuna ti APO dagiti BUYBUYOT” (Malakias 3:8-12).

4 Sal. 51:5, Rom. 3:10-12, 23 5 Mat. 26:63-64, 27:54, Luc. 1:30-33, Juan 9:35-37, Rom. 1:3-4 6 Ara. 4:12, 20:28, Rom. 3:25, 1 Juan 1:7, Pal. 5:9 7 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 8 Luc. 22:69, Ara. 2:25-36, Heb. 10:12-13 9 1 Cor. 3:16, Pal. 3:20 10 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 11 Mat. 26:28, Ara. 2:21, 4:12, Ef. 1:7, Col. 1:14 12 Mat. 21:22, Juan 6:35, 37-40, Rom. 10:13 13 Heb. 11:6 14 Juan 5:14, 8:11, Rom. 6:4, 1 Cor. 15:10, Pal. 7:14, 22:14 15 Mat. 28:18-20, Juan 3:5, Ara. 2:38, 19:3-5 16 Deut. 4:29, 13:4, 26:16, Jos. 1:8, 22:5, 2 Tim. 2:15, 3:14-17, San. 1:22-25, Pal. 3:18

Kontaken dakami para iti ad-adupay nga imformasion wenno babasaen iti dadduma a topiko nga ayan ti interesmo.

Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA

Linya ti 24-Oras a Panagkararag ken Imformasion: (661) 252-5686 • Fax (661) 252-4362

www.alamoministries.com • info@alamoministries.com

Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiyay adda iti lokasion ti U.S. a pudno nga agtarigagay nga agserbi iti APO iti amin a puso, kararua, panunot ken pigs.

Dagiti Gimong a maar-aramid iti Siudad ti New York Tunggal Martes iti 8 P.M. ken iti dadduma a lokasion iti rinabii.

Tawagan (908) 937-5723 para iti imformasion. ADDA MAIDASAR A MAKAN KALPASAN TI TUNGGAAL GIMONG.

Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.

Makipagtrabahoka iti panagapit iti kararua babaen iti panangiwarasmo kadagiti babasaen a sinurat ni Pastor Alamo.

Amin dagiti babasaen ken dedenggen a mensahe ket awan bayadna, agramanen ti pannakaibusonna.

Nu adda ti agpabpayad kadakayo, tawagam daytoy a numero (661) 252-5686 collect.

LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).

SAAN MO NGA IBELBELLENG, IPASAM ITI SABALI.

Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.

Nu iprintayo manen, inayunyo daytoy a kalintegan iti kopya ken pannakairehistro:

Kalintegan iti Kopya Disyembre 2013, 2014 Amin a Kalintegan Naited World Pastor Tony Alamo © Nairehistro Disyembre 2013, 2014

ILOCANO—VOLUME 18700—DOES GOD PERMIT A WOMAN THE RIGHT TO HAVE AN ABORTION IF SHE IS A VICTIM OF RAPE?